

## TORRAT BERANU

\*\*\*\*\*

Candho torrat cantendhe su eranu  
cantat innos de gloria & e amore  
de sa natura, su cantu galanu:

L'intendhet su massagiu , supastore,  
daghi tottu su nie ndheat caladu  
e de s'ingerru passadu rigore:

Torran cun'issu a s'abandhonadu  
nidu, sas innoxentes rundhinellas,  
chi andhadas che fin s'annu passadu;

Torrana puru , modestas e bellas,  
accopiadas de sinzeru amore,  
sas caras e amadas turturellas.

Beranu Santu! Santu produttore  
chi movet tottacanta sa natura ,  
po li ogare a campu ogni fiore:

Sas alvures si estin de ildura  
ch'est paradisu de ogni puzzone,  
chi si faghet su nidu in sa chisura:

Muen sas abes, suet su muscone,  
cantat sa Filumena primmaria,  
belat s'alveghe, giamendhe s'anzone .

Totta custa ciada gerarchia  
de insettos , plantas e ~~fiore~~ fiore  
e animales de ogni zenia, ..

Cantan'è su eranu sos amores  
chi ~~è~~ hat battidu cun tant'allegria  
e po cussu li faghen sos onores.

Gai, unides, tottu in cumpagnia,  
cantan'in coro, su cantu galanu  
chi est tottè unu mare é poesia

Candho torrat a benner su eranu.

GIOVANNI MARIA FARA

\*\*\*\*\*

Pozzomaggiore